

Stefna á fullan rekstur sjúkrahótelsins um áramót

Jafnvel hundruð þúsunda geta sparast við að útskrifa einstaklinga af Landspítala á nýja sjúkrahótelinu við Hringbraut. Um þriðjungur gesta þess í sumar hefðu annars teppt spítalann enn frekar. „Þessir fyrstu mánuðir hafa gengið betur en ég þorði að vona,“ segir hóteltjórinn Sólrún Rúnarsdóttir

■ ■ ■ Gunnhildur Arna Gunnarsdóttir

„Af þeim sjúklingum sem við tókum á móti í sumar hefði um þriðjungur þurft að gista inni á spítalanum ef ekki væri fyrir hótelið,“ segir Sólrún Rúnarsdóttir, hóteltjóri Sjúkrahóts Landspítala. Hótelið lék eitt lykilhlutverka í sumar þegar ástandið á spítalanum var sem verst og loka þurfti legurýmum og deildum vegna sumarfría starfsfólks. Rúmlega 400 sjúklingar auk aðstandenda hafa gist á sjúkrahótelinu frá því það var opnað 6. maí. Hótelið létti ekki aðeins á flæði innan spítalans heldur dró einnig úr kostnaði.

„Það er ódýrara að vera í þessu úrræði en á legudeild. Ef við getum tekið við fólki af legudeildum og komið í veg fyrir að sjúklingar teppi á bráðamóttöku eða gjörgæslu geta sparast töluverðir fjármunir, jafnvel hundruð þúsunda í hverju tilfalli,“ bendir Sólrún á.

„Rannsóknir sýna að ef sjúklingar eru á röngu þjónustustigi og meðferð þeirra er lokið þar, eins og til dæmis á bráðamóttöku þar sem ég vann lengi, eykur það líkur á að eitthvað fari úrskaiðis í meðferðinni. Ég tel því klárlega að nýja hótelið komi til með að hjálpa heilbrigðiskerfinu. Það fækki atvikum og spari fé.“

Stefnt er á að hótelið verði komið í fullan rekstur í árslok með 75 herbergjum. „Við höfum unnið í skrefum bæði til að læra og meðan við erum að manna það,“ segir Sólrún. „Þá hafa ýmsir þættir komið upp í þessari nýju byggingu og krefjandi að fá úrbætur á þeim þegar flestir eru í sumarfríi. Vonandi kemst skriður á það nú að sumarleyfum loknum.“

Hún nefnir leka á einum stað, rangan vatns-halla í nokkrum herbergjum, truflanir á rafmagni og vatni. „Þetta er nýtt hús og ýmislegt sem sást ekki við fyrstu sýn og þarf að laga eins og gengur og gerist í nýju húsnæði.“

Bæði hjúkrunarfræðingar og sjúkraliðar vinna á sjúkrahótelinu. Verkefnið eru margskonar. Þar eru gefin lyf og settir upp æðaleggir og vökví í æð, fylgst með almennu ástandi fólks, skipt um umbúðir á sárum og fleira. „Fólk þarf að vera sjálfbjarga með daglegar athafnir, geta klætt sig, farið á salerni og komið sér fram í matsalinn. Reglugerðin setur okkur skorður þar,“ segir hún en starfsmenn aðstoði þó eftir þörfum.

Sólrún var meðal annars verkefnastjóri fyrir Landspítala við uppbyggingu sjúkrahótelsins þegar hún tók við stjórnartaumunum. „Ef einhver hefði sagt mér fyrir 20 árum að ég ætti



Sólrún Rúnarsdóttir hóteltjóri á Sjúkrahótel Landspítala við Hringbraut sem opnaði í maí. Mynd/gag

eftir að verða hóteltjóri hefði ég talið að sá hinn sami væri galinn,“ segir Sólrún og hlær þar sem við sitjum á fjórðu hæð hótelsins í glersal með glæsilegu útsýni yfir Þingholtin. Hún á nú 20 ára útskriftarafmæli úr hjúkrunarfræði.

„Ég vann lengi á bráðamóttökunni í Fossvogi en fór í meistaranám milli barneigna og hef starf aði síðastliðin 5 ár sem gæðastjóri á flæðisviðinu sem bráðamóttakan tilheyrir. Flæðisviðið er stórt svið. Öldrunarþjónusta og endurhæfing tilheyrja því og lengi vel gerði sjúkrahúsupótekið það einnig en það er nú komið yfir á aðgerðarsvið,“ segir hún en sló til þegar tækifærið gafst. „Af hverju ekki? Ég sé ekki eftir því, er með frábært starfsfólk með mér enda geri ég þetta ekki ein. Sækja þarf um dvöl á hótelinu rafrænt í heilsugátt með beiðni í Sögu eða með því að hringja í okkur á sjúkrahótelinu.“

Hlustið á viðtalið á hlaðvarpi Læknablaðsins



Hlíðasmára 8
201 Kópavogi
sími 564 4104

Útgefandi

Læknafélag Íslands

Ritstjórn

Magnús Gottfreðsson,
ritstjóri og ábyrgðarmaður
Elsa B. Valsdóttir
Gerður Gröndal
Hannes Hrafnkelsson
Ingibjörg Jóna Guðmundsdóttir
Magnús Haraldsson
Sigurbergur Káranon

Tölfræðilegur ráðgjafi

Thor Aspelund

Ritstjórnarfulltrúi

Védis Skarphéðinsdóttir
vedis@lis.is

Blaðamaður

Gunnhildur Arna
Gunnarsdóttir
gag@lis.is

Auglýsingastjóri og ritari

Esther Ingólfsdóttir
esther@lis.is

Umbrot

Sævar Guðbjörnsson
saevar@lis.is

Upplag

1850

Prentun, bókband og pökkun á Íslandi

Prenttækni ehf.
Vesturvör 11
200 Kópavogi



Áskrift

16.900,- m. vsk.
Lausasala
1690,- m. vsk.

© Læknablaðið

Læknablaðið áskilur sér rétt til að birta og geyma efni blaðsins á rafrænu formi, svo sem á netinu. Blað þetta má eigi afrita með neinum hætti, hvorki að hluta né í heild, án leyfis.

Fræðigreinar Læknablaðsins eru skráðar (höfundar, greinarheiti og útdrættir) í eftirtalda gagnagrunna: Medline (National Library of Medicine), Science Citation Index (SciSearch), Journal Citation Reports/Science Edition, Scopus og Hirslna, gagnagrunn Landspítala.

The scientific contents of the Icelandic Medical Journal are indexed and abstracted in Medline (National Library of Medicine), Science Citation Index (SciSearch), Journal Citation Reports/Science Edition and Scopus.

ISSN: 0023-7213